

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
Broj:02-05-753/16
Lukavac, 10.06.2016. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-753/16 od 09.06.2016. godine u otvorenom postupku javne nabavke za izradu Glavnog projekta proširenja i rekonstrukcije ulične rasvjete“ulica Branilaca Bosne-Bremen plac“ -LOT 1 Općinski načelnik d o n o s i

ODLUKU **o izboru najpovoljnijeg ponuđača- LOT 1**

Član 1.

Prihvata se preporuka Komisije za provođenje postupka javne nabavke broj: 02-05-753/16 od 09.06.2016.godine i Ugovor za javnu nabavku usluga za izradu Glavnog projekta proširenja i rekonstrukcije ulične rasvjete“ulica Branilaca Bosne-Bremen plac“ -LOT 1 dodjeljuje se ponuđaču "TELEFONIJA VIDAKOVIĆ" d.o.o. Doboj, ponuda broj: 11/16 od 01.06.2016. godine, za ponuđenu cijenu u vrijednosti od 2.200 KM bez PDV-a, kao najpovoljnijem ponuđaču.

Član 2.

Izabrani ponuđač dužan je nakon prijema odluke o izboru dostaviti u roku od 5 (pet) dana originale ili ovjerene kopije dokaza o ispunjavanju uslova iz člana 45.stav (2) tačka od a) do d) Zakona o javnim nabavkama BiH koji su navedene u tački 12. od a) do d) tenderske dokumentacije.

Dokumentaciju traženu tačkom 13.2.2.a) tenderske dokumentacije ponuđač je dostavio u sastavu ponude, te se oslobađa naknade dostave dokumenta za navedenu.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-752/16 od 11.05.2016. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 5.000,00 KM.

Obavještenje o nabavci broj: 719-1-2-31-3-24/16 objavljeno je na Portalu javnih nabavki dana 11.05.2016. godine.

Komisija za provođenje postupka nabavke imenovana Rješenjem broj: 02-05-776/16 od 16.05.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-753/16 od 09.06.2016. godine, Preporuku o izboru najpovoljnijeg ponuđača broj:02-05-753/16 od 09.06.2016.godine i Izvještaj o radu broj:02-05-753/16 od 09.06.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene šest ponuda;
- da su blagovremeno primljene šest ponuda;
- da nije bilo neblagovremeno primljenih ponuda;
- da su ponude ponuđača IPSA INSTITUT d.o.o. Sarajevo, „INSTITUT ZA ZAŠTITU, EKOLOGIJU I OBRAZOVANJE“ d.d. Tuzla, INSTITUT ZA GRAĐEVINARSTVO „IG“ d.o.o. Banja Luka, CONRAM d.o.o. Brčko, „NOING“ d.o.o. Tuzla i „TELEFONIJA VIDAKOVIĆ“ d.o.o. Doboj kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 5.000,00 KM i da je kriterij za dodjelu ugovora najniža cijena.

Pregledom ponude ponuđača „NOING“ d.o.o. Tuzla utvrđeno je da isti uz ponudu nije dostavio Izjavu da njegova ponuda ispunjava uslove za primjenu preferencijalnog tretmana domaćeg, zbog čega njegova ponuda u svrhu poređenja ponuda nije umanjena za preferencijalni faktor od 15%. Ponude ostalih ponuđača su umanjene za preferencijalni faktor od 15%.

Ponuđač „TELEFONIJA VIDAKOVIĆ“ d.o.o. Doboj dostavio je prihvatljivu ponudu sa cijenom od 2.200,00 KM bez PDV-a koja je u odnosu na kriterij za dodjelu ugovora ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. IPSA INSTITUT d.o.o. Sarajevo
2. „INSTITUT ZA ZAŠTITU, EKOLOGIJU I OBRAZOVANJE“ d.d. Tuzla
3. INSTITUT ZA GRAĐEVINARSTVO „IG“ d.o.o. Banja Luka
4. CONRAM d.o.o. Brčko
5. „NOING“ d.o.o. Tuzla
6. „TELEFONIJA VIDAKOVIĆ“ d.o.o. Doboj
7. Evidenciji i
8. Arhivi.-

